

اوراق ماکنہ سی ایلہ ۷-۸ یوزلیرہ قیمتندہ ، موتورلی ، موتورسزخرمن ماکنہ سی واردر . زراع بوماکنہ لردن ایچہ مستفید اولیور .

دامزلور صبرانات :

مع التأسف اهالی دامزلق حیواناتدن استفادہ ایدہ میور . بروسہ زراعت دیوسی قرہجہ بک قضاسنہ بر ، ایکی دانہ دامزلق آغیر تفریق ایدیور . بونلری مأمور مخصوص ایلہ کوندربلیور . کوچ حال برآی قدر طورییور . برآی ظرفندہ کویلیلر ایشلرینی کوجلرینی ترک ایدوب کلسلر بیلہ مدتک آزلغندن ، دامزلق آغیرک برایکی دانہ اولمسندن چکدیرمه عملیاتنہ صرہ کلدیکی کی آغیردہده مجال قالیور . الحاصل بوسنہ کویلیلرک برچوغی حیوانلرینی آغیرہ چکدیرمه دن کیتمشلر ، استفادہ ایتمه مشلر . هیچ اولمازسہ دامزلقک عددینی چوغا تمقلہ برابر اوچرآی مرکز قضادہ بولندیریلورسہ چوق استفادہ ایدیلہجک ، کچی کی قالان بارکیلرمن عادتاً حقیقی بر بارکیر وضعیتنی آلهجق . کویلدہ دامزلق بوغا نامنہ هیچ برشی یوقدر . مع مافیہ چقتلکات هایونده دولودر . لکن بوندن اهلینک استفادہ سی یوق .

تجارت :

معاملات تجاریہ نیک یوزده سکسانی خارجدن کلنلرک النده ، یوزده اون بشی خرسیتیانلرده ، یوزده بشی یریلردہدر . یالکز مسلمانلرک قوماندیت صورتندہ تشکل ایتش بر تجارت شرکتی واردر . شرکت ایچہ ایلرولمش .

ذکرہ شایان ایکنجی تجارت . بلغاریالی عباچی نیقولادہدر . قویونلرک توکلرینک ایچروسنہ صوقولوب قاتنی امن (کهنه) کی بوآدم بلغارستاندن جلب ایتدیکی عباچی دیکوب بالعموم کویلولرہ صائمق صورتیلہ قرہجہ بک مسلمانلرینک اقتصادی قانلرینی امیور . مع التأسف بزم مسلمانلرک معتبر کیمسہ لری ده کویلولرہ کفالت ایتدکلری کی ، وقت معیندهده پاره نی تحصیل ایدوب مرقومہ ویرلرلرمش . محاربہدن بری نیقولا جنابلری بلغارستان اردوسندہ مسلمان اردوسنہ قارشى سلاح آتوب مسلمان اولدیرمک صورتیلہ وظیفہ وظنیہ سنی ده ایفا ایدیور . دیمک کہ نیقولا هم سیاسی ، هم اقتصادی بردشمن .

قرہجہ بک اشراقندن وسودیکم ذاتلردن بریسیلہ بوخصوصہ دائر کوروشدم . دیدم کہ : — قضا کز داخلندہ ایچہ عقلی باشندہ ، آزچوق پاره سی بولنور انسانلر وار . عباچی نیقولانک پیاجنی ایشی سزیاسہ - کزده هم دینہ ، هم مملکتہ فائده کز دوقونسہ اولمازمی ؟ بلغاریادن کلہجک عباچی ایزمیت هرکه ، قرہمرسل فابریقه سندن ، ترزبلیر ده مسلمان صنعتکارلردن بولسہ کزده شو حریفک الندن قورتولسہ کز اولمازمی ؟

— برادر ، دیدی ، بزده بونی دوشونیورز . بن وبنم کی برقاچ آرقداش بورادہ بر عبا فابریقه سی یامنی آرزو ایدیورز . لکن بعض ذوات اویغونسزلق چیقاردی ، اتفاق ایدہ میورز . اتفاق ایدنجہ یہ قدر نیقولا بورادہ قالہجقدر .

— اویلہ ایسہ عشق اولسون جملہ کزہ . قرہجہ بکہ تابع درت ساعت مسافدهده واقع بک کویندہ اسبق فسخانہ ناظری محی الدین پاشانک ایپلک فابریقه سی واردر . حال حاضرده بوفابریقه نی فرانسزلر ایش-اتوب خالی ایپلکی چیقاریورلر .

مجامع شریفہ :

بویوک ، کوچک ۱۵-۱۶ قدردر . اک بیوکی خداوندکار غازی حضرت تکرینک جامع شریفی ایلہ خوشقدم جامی در . قرہجہ بک کیتدیکمک کیجہ سی بالادہ ذکری کچن ذات بندہ کزی قصبہ و جوار اراضی نی کز دیرمکہ باشلادی . قصبہ نیک شرقندہ منارہ سنک شرفہ سندن یوقاروسی قویمش ، قصبہ سنک اوستندہ کی قورشونی چالمنش ، الحاصل خرابیتی معموریتنہ غالب برجامع شریف اسکلتی کوردم . بو ، تاریخ عثمانیدہ کوریلن ، اسلامیتہ بیوک خدمت لرایدن (قرہجہ بک) نام دلاورک تربہ شریفہ سیلہ انشا ایتدیردیکی جامی دکلی ایش . طوغریسی ، بوحال اسف اشتمالی کورونجہ کوزومدن برقاچ داملہ یاش آقدی . انسان صاغلام قالان طاشلرک اوزرینہ باقہجق اولورسہ بوکون جلالمش کی پاریل پاریل پارلایور . آثار عتیقه برجامع . مع التأسف محو ایتمشلر ، باقامشلر .

جامعک قبوسنک اوستندہ بردمیر چوبوق یارہ سی کوزدم . صوکرہ آکلادق کہ شاید جامع شریف یقیلا جق ویاسا رصورتلہ محواولہجق اولورسہ یکیدن انشاسنی تأمین ایچون قبو اوستندہ بیلیم قاج قولیلی قازغان درونندہ صاری صاری آلتون وارمش . بوکا واقف اولان خروس عقلیلردن بریسی دوشونمش ، طاشنمش ، نہایت الله قوجہ بردمیر آلہرق اولمش میوہ کی حاضر صاری معدنلرک بلارخصت ولا امتیاز تحریرسنہ شتابان اولمش . سبی بوایمش .

آوروپا و آفریقایی سیاحین بوجامی کورمدن قطعاً کیتمز لرمش . حتی قبونک اوستندہ بولنان غایت قیمتدار برطاشہ ایچہ بارہ تکلیف ایتمشلر .

الحاصل بوجامع شریفی احیا ایچون نہ یایمق لازم کلیرسہ یایمق ووقفنی ، متولیسینی ، شرط واقفی ... ہپسنی ظاہرہ چیقارمق اوقاف نظارتنک اجرا آتندن بکلنور شیلردندر .

عمر فواد

قرہجہ بک :

اورنہ مکتوبلری :

۲

بزم قومپارتیمانده برقاچ ضابط واردی ، فقط یانمزده کیلر باشند باشہ ضابطانلہ طولوایدی . استانبولدن ادرنہ یہ قدر اونلرک مصاحبہ لربنہ قولاق مسافری اولدق ؛ سیاسیاتہ متعلق هیچ برکلہ صرف ایتدیلر . ہپ پرنشہ ، احوال عسکریہ یہ ، مسلک لربنہ دائر قونوشدیلر . بوحال نظر

دقتمزی جلب ایتدی ؛ ادرنه یه یقیندی ؛ یا نمرده کی ضابطه صوردق :-
ضابطان ینه سیاسیاتله اشتغال ایدیورلرمی ؟

ترددسز همان جواب ویردی :- امین اولکیزکه اوکتابه فلاکت قطعاً قیامشدر. فلاکت اخیره بوکون ضابطانک قبلرینه او یله صمیمی برقاداشلق وفدا کارلق حسی القا ایشدرکه ، غیر اختیاری اوله رق ، هر ضابط عسکرلکدن باشقه برشی دوشونه میور .

بابا پک ممنون اولدی ، صمیم قلبندن دعا ایتدی :- الله اخوتکزی آرتدیرسون ، الله یاردمجیکز اولسون .

صوکرا کوزلرندن بیاض صقالنه یاشلر دوکولورکن الی ضابطک اوموزینه قویه رق شوسوزلری علاوه ایتدی :- برادرلر ، سز اسلامک صوک اوردوسی سکنز . سزک بونخیف اوموزلرکیزده کی یوک پک آغیردر . دکل اون بش ، یکر می میلیون عثمانلی مسلمانک ، دنیانک مختلف قطعه لرنده کی یوزلرجه میلیون اهل اسلامک کوزلری ، امیدلری سزدهدر . یریوزنده سلطنت اسلامیه نک حیات وماتی سزک الکزدهدر . اونک ایچون هپ قارداش اولوکز وصمیمیتکیزله بوتون ملتیه قارداش ایدیکز .

استانبولدن حرکتیز اون سکز ساعت اولیوردی ، کیجه یاریسندن ایکی ساعت صوکرا تره ن بزی قره آغاج استاسیوننده براقدی . استاسیون جوارنده یاته جق یرقالامش ؛ شهره کیتک لازم . آراهه یوق ، یولده کیسه لر یوق . بلکه برآز اوتده آراهه بولورز ، دیه یورومه یه باشلادق . آراهه دکل ، برخروس صداسی بیله ایشیدیلیمیور . اورته لقی زفیری قارا کلک . کیجه نک ظلمتی سیسله کثافت پیدا ایش . یولک اطرافنده کی یوکسک آغاجلرده کیجه یه آریجه دهشت ویریور . آره صره سیسلره بورونمش یولک طونوق ضیالی فنارلرندن باشقه نه برایشیق ، نه ده برسس وار . قلبه خشیت کله مک ممکن دکل . فقط شایان حیرت برامیت قلبه یارم ساعت قدر یورودکن صوکرا ، تره ندن اینز اینز همان شهره توجه ایدن اوچ درت سلاحسز عسکرله بش اون یرلی خوجه دن عبارت قهوه ایچمکده اولان قافله یه التحاق ایتدک . بزده برآز توقفدن صوکرا برلکده یورودوک . اوراسی یولک نصفی ایش . اوراده برآراهه تصادف ایتدی . بزی شهره کتوردی . هوتل هوتل کزدکن صوکرا نه ایسه باشمزی برقاچ ساعت دیکلندیره جک بریر بوله بیلدک .

صباحلین بورو سسلریله اویاندق . ایلری طوغرطابورلر کچیوردی . او ، عسکرلرده کی شوق وشطارت ، اهلایده کی نشئه وسرور قابل تعریف دکدی . جناب حقک نه بویوک لطفی ! اسلامک اومقدس شهری کفرک مظلوم مقسی پنجه سندن خلاص بولمش ، شیمدی شوق و سرور ایچنده چالقانیوردی . برمدت شرقه طوغرو وزان اولان فلاکت روز کاری شیمدی غربه دونمش ایدی . اوتده اهل صلیب بربریه بوغوشورکن اسلام کندینی طویلامش ، صانکه ایلک اعتلا زمانلرنده کی سرعت و

صولت ایلله غربه طوغرو شتابان اولیوردی . هرکسک ، بوتون اهل شرقک یوزی غربه متوجه ایدی . عسکرلر کیدیور ، مهاجرعربهلری وطنلرینه عودت ایدیور ، جبخانلر ، طوپلر سوق اولنیور ، هرشی ، هرشی ایلری قوشیور . آرقه دن طوتان ، طوتدیران اولماسه صانکه بوتون بالقانلری استیلا ایده جک . حقیقت ، بویوک دکزلرک مد وجزرلری کی بویوک ملت لکده مد وجزرلری اولورمش . «وتلک الایام ند اولهایین الناس» . شرقک غربه طوغرو انتقام ایلله متحرک بومهاجرت عمومیه قافله سنه برآن ایچون اولسون بزده قاتیشدق . پیاده عسکرلری ، استحکام طابورلری ، سواریلر ، طوپلر ، جبخانه آراهه لر آره سنده بزده برمدت کیتدکن صوکرا برطرفده طوروب بوقافله مهییه نی سیر ایتدک . قبلرمنز حیات و امید ایلله تولدی .

بوشوق ایلله ، بو حیات و امید ایلله غنائم ده بولرینی کز مه یه باشلادق . اوچ شرفلی جامع ده پوسنده کی اشیا ، البسه پک چوق ایدی . پیغین پیغین قاشلر ، حاضر البسه لر ، صوکرا قاپوتله طولو هیچ آچیلماش صندیقلر ، چاپلر . . . برطرفدن صایلیور ، دیگر طرفدن قول اردولره توزیع اولنیوردی . بز بونلری سیر ایدرکن عبدالرشید افندی جبندن برچاقی چیقارمش ، اوتده برقاپوتک آپولتلیرینی کسیونردی .

— یا هو ! نه یاپیورسک ؟

— ضابطدن مساعدده آلدیم ، بزم موسقوف قاپوتلرندن بر خاطره اغتنام آلیورم .

— موسقوف قاپوتی نه دیمک ؟

— اویله یا ! کورمیور میسکنز ، بوتون بوالبسه لر موسقوف مالی . اشته شوقاپوتلرک دوکمه لرنده کی آرمه روسک پترسبورغده اقامت ایدن اک مشهور وممتاز فرقه عسکریه سی اولان «سیمیونوسکی بولق» فرقه سنک علامت مخصوصه سی در . صوکرا بوکتلرده روسیه دن کوندرلمشدر . بواشیانک همان کلیسی روس مالی در .

— دیمک بواهل صلیب سفرنده غیر رسمی اوله رق موسقوفده داخل ایدی ؟

بزی کزدیرن ذات همان جواب ویردی :

— غیر رسمی نه دیمک ؟ بلغار اروسنده تمام الی بش بیک عسکر رسمی روس البسه لر یله بولوندینی تحقق ایشدر . صوکرا موسقوف آرمه لی بواشیالر ، البسه لر هپ روس هدیه سی ! بونک غیر رسمیلک نرهمی ؟ فقط نه یاپارسک ؟ اویله تلقی ایتک لازم . . .

وقت کچمکده اولدینی جهته اویله یه سلطان سلیمه یتشمک لازمدی . . جاده یه چیققدق . عسکرلر صفبسته احترام اولمش ، بکله یورلردی . ولی عهد حضر تلرینک سلطان سلیم زیارتندن عودتنه منتظر اولدقلرینی آکلادق . برآز کیتدکن صوکرا ولی عهد حضر تلرینک ارکان حکومت

وامرای عسکریه ایله عودت لرینه تصادف ایتدک . التفات سنیه لرینه مظهر اوراق آرزو سیله طوردق . مشارالیه حضرتلری یاننده کی ذاته برشیلر آ کلا تمقله مشغول ایدی ؛ بزی کورده مدی . فقط عبدالرشید افندینک کمال شوق و احترام ایله : - السلام علیکم . ! . تحیه اسلامییه سی اوزرینه ولی عهد حضرتلری ده نوازشکار برصدا ایله : - وعلیکم السلام ! . دیه بذل التفات بیوردیلر .

آرقه دن کلکده اولان انور بکله ده ملاقات ایدرک موفقیته لرینی تبریک ایتدک . انور بکی و معینده کی درنه یاراننی کورو نجه عبدالرشید افندینک بوتون بئنازی خاطراتی جانلاندی . جامعه قدر درنه مناقبنی دیکله دک .

جامعه کیردیکمز زمان کندمزی کعبه ده ظن ایتدک . اودرجه ده قلبلرمزی برحظ روحانی استیلا ایلدی . برطرفده اوطوروب صلیک ید ظلامندن خلاص بولان اومعبد علوی پی طویه طویه سیر ایتدک . وجناب حقه بیکارجه شکر ایلدک .

برجوق عسکرلر کاش ، جامی زیارت ایدیورلر . کیمی آبدست آلیور ، کیمی الارینی قالدیرمش ، کمال صفوتله دعا ایدیور ، کیمی رکوعده ، کیمی سجودده . بر قسمی ده مؤذن محفلی آلتنده برقایناغه بکزه یین کوچوک شادروان اطرافنه طویلانمش ، الارینی قاووشدیرمشلر ، کمال تعظیم و احترامله صره بکله یورلر . بو حال ایله اوراده طوران بر عسکره صوردم :

— نه وار اوراده همشهری ؟

— زمزم شریف ! دیدی .

برعسکرک بویه دیدیکنی محراب یاننده اوطوران عبدالرشید افندی یه سویلیدیکم زمان : - حقیقه اونلرک قبلری زمزم یایار اونی ، دیدی . و پک متأثر اولدی .

محرابک ایکی طرفنده بولونان شمعدانلرک « ماشاء الله » یازیلی اولان محارینی بلغارلر دیشله یمشیر کی قوباروب صویمشیر .

بلنارلر استیلا ایتزدن اول قالدیریلان بویوک قطعه ده بریازمه قرآن کریم ایله مطبوع ایکی مصحف شریف یرلرینه قونمش . یازمه قرآن کریمک نهایتنده شویله بریازی کوردک :

« طربزون ولایتک شاری ناحیه سنک اوغوز قریه سنده اوزون حسین زاده حافظ عثمان چاوش بو طرف ادرنه نک تسلیم اولدینی وقت کلوب قورتارمشدر » ۱۲ تموز ۳۲۹ عثمان

دیگر ایکی مصحف شریف حروفات ایله قزانده باصلمش . بری ۱۸۰۹ ده ، دیکری ۱۵۴۴ ده . کنارلرنده قرا آت عشره یازیلش . اوزمان بویه طبع اولنیورمش . مائیس برکاغده مطبوع اولان ۱۰۴ سنه لک

قرآن کریم خان سلاله لرینه منسوب مشهور زنکینلردن اسماعیل آبانای طرفندن باصدیریش ، ۶۹ سنه لک مصحف شریفده مشهور ملیونلردن مرتضی موسانک همتیله طبع اولمش . بو ذواتک روح لرینه بزبرقائه اهدا ایتدک ، سزده دریغ ایتزسکنز انشاء الله .

ستونلر برجوق بلغارجه امضالره کیرله تیلمش . بزم اهاالی طرفندن سیلنمش ایسه ده ، بعضری یینه اوقونیور . سیلنمسه ده قالسه آجی ، فقط مؤثر برتازیانه انتباه اولور .

کرسی یاننده اون بش ، یکریمی عسکر اوطورمش ، قونوشیورلر . باباده بونلرک مصاحبه لرینه اشتراک ایتک ایسته دی :

— سلام علیکم اولادلر !

— علیکم سلام بابا !

— خوش کلدیکز آرسنالر . ماشاء الله ، ماشاء الله . چشید چشید انسانلر ، فقط هپکز قارداش . .

— سن کیمسک بابا ؟

— دنیانک تا اوبرچندن کاش برمسلمان .

— یا بو افندیلر ؟

— اونلرده بنم اولادلم . . ناصیل ، چکدیکز زحمتلری اونوتدیکزمی ؟

— بابا ، زحمت نه دیمک ؟ تا چتالجه دن یورویهرک بورایه کاندک .

ایلری اولدینی ایچون یاغمور ، چامور آلدیرمادق . چاموردکل ، طاش قیا اولسه یینه بزه یوموشاق یتاق اولور .

— الله سزه قوت ویرسون ، قلبک زده کی ایمانی یوکسلتسون . اولادلر ، سزک خدمتکیز پک بویوکدر . خلیفه پی سز محافظه ایدیورسکیز . سزک فدا کارلغکیزله مسلماناق یاشایور . براز استراحتدن صوکران ان شاء الله صوفیه یه کیده جکسکیز . اولمک وار ، دونمک یوق . بوموفقیتر هپ سزک همتکیزله اولدی اولادلر . چوق زحمتلره قاتلانیدیکز . فقط سزک ایچون جنت قبولری آچقدیر .

— بابا ، دهها چوق زحمتلره قاتلانمده تک شوکافرک یاننده محزون قالمایه لم .

— قالمایز انشاء الله . سزک همتکیزله هپ مملکتلرمزی ان شاء الله یینه آله جغز .

— الله بزی تربیه ایتدی آرتق دکلی بابا ؟

— او ، بر فلا کتدی ، کلدی کچدی . بوندن صوکران ان شاء الله غالییت هپ بزده در .

— ان شاء الله . ضابطلرمز دین یولنده کیدرلرسه اول الله بزده اونلری اوتاندیرمایز .

— شیمدی یمکلرکز ناصلدر اولادلر ، بولی ؟

— الحمد لله یمکار مزیک بولدر. الله دولته ، ملته زوال ویرسون.
اکمکار مز دایما باشمز اوجنده طورییور .

— الله موفق ایتسون اولادر . کزکز ، نمازلر کزی قیلکز .
اللهه شکر ایدکز . نه بویوک لطف الهی ! بزم بومقدس جاممزی ینه بزه ویردی .

بز آیرلدیغمز زمان عسکرلردن بعضری آغلایوردی .

بابا برطرفده اوطوردی . بن کزییورم . باقدم قاپودن بی مجال
برعسکر کلیور . یوزی لیمون کی صارارمش ، قوللری مارقش ، آلیق
آلیق باقیدیور . بنی کورونجه یانمه یاقلاشدی . ایشیدیلیر ، ایشیدیلیر
تترهک ، ضعیف برسسله صوردی : — نوسقه کیم یازار ؟

— نه ایچون ؟

— صتمه ایچون .

بردنره صولفاتو توصیه ایتک خاطر مه کلدی . فقط احوال روحیه سنی
نظر دفته آلهرق بابایه کوندردم : — ایشته شوراده بر صاریقلی خوجه
افندی وار ، اوکا کیت .

— نوسقه سی شفالی می ؟

— بره بردر . براوقویشده صتمه بی کوکندن کسر .

بیچاره قدید سوروکنه سوروکنه کتدی ، بابانک اوکنه دیزچو کدی .
بنده آرقه سندن کیتدم . صتمه ایچون او قونمق ایسته دیکنی سوبلدم .

— نه اولمش سک اولاد ؟

— صتمه طوتیور .

— نه وقتدن بری ؟

— بیلیم که . کاوور الله اسیر دوشه لی بری خسته یم . [او قدر
محالسز و یواش سویلیور که کوجلکه ایشیدیله بیلور .] نه قدر اولدی
بیله یم . [الی باشنه قویهرق] بر آرز باشم سرسم در .

— پکی او غلم ، بن شیمدی سنی او قورم ، ان شاء الله بر شینک قالماز .
عبدالرشید افندی پک متأثر اولمش ، عادتاً کندنن کچمش ایدی .
برالیه نبضنی طوتدی ، برالیه باشنی . او قدر صفوت و خلوص قلب
ایله برقاج دفعه اخلاص شریف و فاتحه شریفه بی او قودی که بن بیله
زواللی نک شفایاب اوله جغه اعتقاد ایتدم . بابا شمدی کندی او نوتمشدی ،
او یله عشق ایله یوزینه کوزینه او فلیوردی که آدجغز کوزلرینی قیامغه
مجبور اولیوردی . اناطولینک اسارتدن قورتولان بوزواللی اولادی !
اوفورمک ایچون قولی ده اوزاتدی . بابا قولندن ده متعدد دفعه لر
اوفوردی . عبدالرشید افندی سک بو قدر جذبه لی حالتی هیچ کورمه مشدم .
نه ایسه ، او قومه ختام بولدی .

— بر (نوسقه) ده یازسه ک . . .

— حاجت یوق او غلم نوسقه یه . یانمه کاغد ، قلم یوق . ان شاء الله هیچ
بر شینک قالماز .

نفر قوشاقله باغلی سیاه قاپوتنک دوکمه سنی جوزمه یه باشلادی . باره

ویره جکی اکلایشلیوردی . بابا منع ایتک ایسته دی . اشارت ایتدم : —
ایلشمه ! براق ویرسون . دیدم . درینلردن ، یاموق ایپلکندن دو قومه ،
رنکارنک ، بوینه آسیلی قیرمزی کیسه چیقدی . شمدی بال مومی کی
صارارمش کیمک بارچه لری کیسه بی آچیوردی . پارماقلر بر کره
اوزاندی ، ایکی متالک چیقدی . غالباً بیچاره یه آز کلدی . برکردها کیسه
قاریشدرلدی . بر متالک ده اچیقدی . ینه آز کلدی . شیمدی دو قومه
کیسه نک دیندن طوتمش ، آووجنه سیلک یوردی . ایکی متالک ده اودوشدی .
اولدی بش متالک . بردفعه کوزدن کیرد کدن صوکره عبدالرشید افندی یه
اوزاتدی : — آزا اما قصوره باقا . . . دها برشی سوبلیدی ، فقط
ایشیده مدم . بابا کال تکرله آلدی ، بیچاره بی نمون ایتدی . مقابله :
— بو چاریک بوتنک هدیه سی ، بوده بنم هدیه م . سندن ده بوتنری
قبول ایلیه جکسک .

قبول ایتمه مک ایسته دی . فقط عبدالرشید افندی کندی ایلیه
بیچاره نک کیسه سنه قویجه برشی دیمدی . ینه قویینه قوییدی . دوکمه سنی
ایلیکله دی . بابانک الی او پدک چکلدی کتدی . بزده الی پاره بی تبرکا
تقسیم ایتدک .

او یله وقتی کلدی . نمازی قیلدق . جماعت بزمه امام ومؤذنلردن ، بر
خیلی ده عسکرلردن عبارتدی . ادرنه خاقندن کیمسه بی کورمه مک . بویه
کورمه ملی ایدک . بوتون ادرنه خلقی بش وقته سلطان سایمی جماعتله
طول دور ملی ایدیلر . فقط شیمدی تنقید صرهمی دکل . نمازدن صوکره
بر آرز قرآن ده او قومق ایسته دم . زیرا روحم پک غلیانده ایدی . بویوک
یازمه مصحف شریفی آچدم . « قل لن یصیبنا الا ما کتب الله لنا هو مولینا
وعلى الله فلیتوکل المؤمنون . » آیت کریمه سی چیقدی . بر قاج صحیفه
او قودم . روحم متسلی ، قلم متوکل جامعدن چیقدق .

ح

وَتَأْتِيْنَا بِالْخَبَرِ

بکرش معاهده سی

مسلمان مملکتلرینی استیلا ایدن اهل صلیب اردولری بایلاشیرکن
قاوغایه دوشدیلر ، برمدتده بربری یه دکن صوکره نهایت بوهفته
بکرشده آتیده کی صلح معاهده سنی عقد ایتدیلر :

« بر طرفدن بلغارستان قرالی دیکر طرفدن یونان و قردطاغ و رومانیا و صربستان
قرالری مملکتلری آره سنده الیوم جاری اولان حربه نهایت ویرمک و بو قدر
زماندنبری آلام حرب چکن اها لیلری پیننده صاحی اعاده وانتظامی تأمین ایتک عمل
خیرسیله و صورت قطعی ده تأسس صاحی متضمن اوانق اوزره عهدنامه حاضرک
عقدینه قرار ویرمشلردر .

بومقصده مشار الیم حکمدارلر ذوات آتیه بی مرخص تعین ایلش ایدیلر
(بوراده مرخصلرک اسامیسی مندرج در .)